



遼石

代錄

金

題述窠小影

九江東塾堂堂去

今日讀書無此人

半榻花陰一瓶水

不知門外是紅塵

弟黃榮康



行年五十徒存寒

儉風骨擁書五萬

餘卷而胸無一物

留影人間能無面

熱自云皮裏春秋

究是衣中 蟣入

乎世而違乎時人

之見之必曰汝真

癡絕

乙丑首夏述窠自題

遼代金石錄叙目

金石文字亦爲古文之一端讀正史及諸雜家書知遼人本多石刻特存者無幾耳欽定續通志云遼碑詞尙簡要事必覈實考官爵之等差辨年號之離合即梵宮題碣與夫石幢之款識要皆可與正史相參考蓋其時俗尙樸茂不事浮華摩刻不多而有合於古人銘金刻石之體雖少而彌足珍焉又王氏金石萃編自序云宋遼金三史皆成於托克托之手卒以時日迫促載者有所弗詳重者有所未削方藉碑碣文字正其是非而可置而不錄歟任恆披誦兩書不

禁心動怵怵爲之興起則以金石文字不徒有裨於
詞章一道而素爲通人考古之助也前所輯遼文於
現存石刻未能盡采遺憾實多茲特錄其碑目以爲
異日搜討之資或不譏其好事乎

光緒三十一年五月南海黃任恆識

卷一

總論

金編

雜器附

卷二

石編

太祖初年
保寧

神冊
統和

天贊
開泰

天顯
太平

會同
景福

天祿
重熙

應曆

卷三

石編

清寧大安

咸雍
嘉昌

大康

卷四

石編

乾統
年月無考

天慶
外國

保大
存疑

遼代金石錄卷一

南海黃任恆秩南輯

總論

嵇璜等續通志百六十八曰遼碑著錄者少今就現
存者編定目次審視其文多詞尙簡要事必覈實考
官爵之等差辨年號之離合即梵宮題碣與夫石幢
之欸識要皆可與正史相參考蓋其時俗尙樸茂不
事浮華摩刻不多而有合於古人銘金刻石之體雖
少而彌足珍焉

孫星衍京畿金石考自序曰京畿爲四方之樞極訪

古之所必至豐潤古篆之鼎遼金志墓之碣出於近
世者不可勝數不加收輯後來者愈有望遠之疑
王利金石萃編自序曰宋遼金三史皆成於托克托
之手卒以時日迫促載者有所弗詳重者有所未削
方藉碑碣文字正其是非而可置而不錄與

陸增祥金石續編跋曰咸豐乙卯丙辰間在京師搜
集金石文字凡萃編所未載者輒以一得自喜自五
代以迄遼金約有數十通釋氏經刻以雲居山爲最
多所得者十不及一約二十餘本

繆荃孫藝風堂金石目自序曰打碑人故城李雲從

善於搜訪約潘文勤師等糾資往拓順天易州宣化定州眞定碑刻大半前人所未見即遼刻得一百六十種其他可知

葉昌熾語石一曰遼碑文字皆出自釋子及村學究絕無佳蹟間有不書大遼書大契丹者猶之拓拔氏代魏兼書示不忘本之義也同治以前出土尙少孫氏訪碑錄不及五十種趙撫叔所續皆朝鮮碑系遼紀年者中國惟咸雍四年清水院藏經記一刻光緒四五年間重修順天府志碑估李雲從承當事之命裹糧襍被狂走京畿諸邑荒邨古刹足迹殆遍所得

遼碑視趙倍蓰過之余著錄遼幢五十餘通皆其時拓本也其中多唐梵兩體惟劉李河白氏兩幢結構尙可觀此外行列整齊者如今刻書之宋體字潦草者如市中計簿滿幅題名皆某兒某郎婦之類北僞喬野之風於此可見

又曰遼禪著錄始於會同天顯以前無有也華路藍縷以啟疆故未遑制作

任恆案此說非也破劉守光紀功碑平奚紀功碑立在太祖三年五年詳見遼史本紀豈是未遑制作者但當時所

立後世失傳故無從著錄耳

遼碑皆在畿輔若奉天閒有兩三通此則限

於幅員耳

又曰遼之景福與唐昭宗年號同然年紀綿遠書體

迥異著錄家不至誤收惟遼金各有大安相距不過
兩周甲子易滋疑竇曩時黃仲弢學士收得一大安
碑以爲金刻碑估李雲從折之云金大安祇有三年
此碑立於大安六年迺遼刻耳仲弢不覺愧服

語石二曰燕爲遼宅京之地文物衣冠遠謝南服其
碑文字多猥鄙書法亦無士氣乾嘉以前世未尊尙
北書遼金元碑亦未盡出至錢竹汀孫淵如搜羅始
廣沈西鵬趙撝叔遞相著錄二十年前京都士大夫
以金石相賞析江陰繆筱珊瑞安黃仲弢嘉興沈子
培番禺梁杭叔皆爲歐趙之學捐俸釀資命工訪拓

順天二十四州縣以逮完唐諸邑西至蔚州東至遵化北至深定所得諸碑視前賢倍徙過之

語石四曰宋遼金元塔銘皆樹幢八面刻余所藏踰百通房山之雲居寺長清之靈巖寺尤多皆樹於塔園

又曰經幢遼金多稱爲頂幢或以經文稱爲尊勝幢又曰佛頂尊勝陀羅尼經天寶以前皆棋子方格雕刻精嚴兼刻經序呪不刻序者不過十之三單刻呪者不過十之一五代宋初風氣日趨於陋至遼金刻經者遂十無一二或於呪之前後節書經文首尾如

佛告帝釋云云爾時世尊授菩提記云云約不及百字其經生書法亦每況愈下有自鄧之歎

又曰奉佛之士建幢墓域謂之墳幢遼金元釋子所造雖八面刻其額猶題曰塔銘惟八面之中必有兩三面刻陀羅尼呪及諸眞言墳塔大都四面刻銘四面刻呪猶不乖經幢之例唐有燈幢前後多刻尊勝呪或刻施燈功德經至宋以後無燈幢而有香幢余惟見遼乾統五年昌平楊守金等建燈幢在唐後語石六曰燕趙間遼金幢多黃沙石均突不平搨出之後痕瘠徧體石質尤脆者歷年稍久字面一層剝

然蛇蛻拂而去之片片落如拉朽如此等石其壽不及百年不如不刻

語石八曰遼金梵字幢大都題字年月眞書而呪則梵書亦有梵文一行眞書釋文一行書眞一人書梵一人

褚德彝金石學錄續補上曰黃彭年字子壽晚號陶樓貴州貴筑人客保定蓮池書院時於近郊訪得遼金元幢各一築亭貯之

又曰李文田字仲約號若農廣東順德人熟於遼金元掌故搜藏三朝石刻甚多俄屬和林有唐闕特勤

碑合遼金元碑在其地者共十六種君盡得拓本爲
考證并詩一卷

王季烈撰先考芾卿事畧曰府君諱頌蔚蘇州長洲
人嘗以前人譜錄金石皆致力唐宋以前惟遼金元
建都北方南省聞見宵遠紀載每多失實思以金石
糾正之乃有志搜羅近畿金石囑碑賈四出搜集先
後得遼金元石刻打本凡數千種

寫禮廢遺
著卷首